

水經注釋卷二十四

仁和趙一清誠夫錄

睢水

瓠子水

汶水

睢水出梁郡鄆縣

睢水出陳畱縣西菴蕩渠東北流地理志曰睢水首受

陳畱浚儀菴蕩水也經言出鄆非矣又東逕高陽故亭

北俗謂之陳畱北城非也蘇林曰高陽者陳畱北縣也

按在畱故鄉聚石也有漢廣野君廟碑延熹六年十二

月雍邱令董生

何氏曰隸釋作董之乃董

仰餘徽于千

載遵茂美于

命縣人萇照為文用章不巧之德其

二十四

略云輕涉

謀帝猷陳鄭有涿鹿之北流在無牧

野之戰大

水

辛夏綏靖黎物生民以來功盛莫崇今故

宇無聞而單碑

外立矣陳畱風俗傳曰酈氏居于高陽

沛公攻陳畱縣酈食其有功封高陽侯

全氏曰按食其生前未嘗封侯

是因其子高梁侯疥而誤

有酈峻字文山官至公府掾大將軍商有

功食邑于涿故自陳畱徙涿縣有餅亭餅鄉建武二年

世祖封王常為侯國也

一清按王常封山桑侯不聞在陳畱也豈由鄉亭進封而史傳

失之

睢水又東逕雍邱縣故城北縣舊杞國也殷湯周

武以封夏后繼禹之嗣楚滅杞秦以為縣圈稱曰縣有

五陵之名故以氏縣矣城內有夏后祠昔在二代享祀





不輟秦始皇圍築其表為大城而以縣焉睢水又東水積成湖俗謂之白羊陂陂方四十里右則姦梁陂水注之其水上承陂水東北逕雍邱城北又東分為兩瀆謂之雙溝俱入白羊陂陂水東合洛架水口水上承汧水謂之洛架水東南流入于睢水睢水又東逕襄邑縣故城北又東逕雍邱城北睢水又東逕寧陵縣故城南故葛伯國也王莽改曰康善矣歷鄆縣北二城南北相去五十里故經有出鄆之文城東七里水次有單父令楊彥尚書郎楊禪字文節兄弟二碑漢光和中立也

又東過睢陽

十四

睢水又東逕

北春秋左傳昭公二十一年魯大心

豐愆華輕祭于橫杜預曰梁國睢陽縣南有橫亭

今在睢陽縣西南世謂之光城蓋光橫聲相近習傳之

非也睢水又逕新城北即宋之新城亭也春秋左傳文

公十四年公會宋公陳侯衛侯鄭伯許男曹伯晉趙盾

盟于新城者也睢水又東逕高鄉亭北又東逕亳城北

南亳也即湯所都矣睢水又東逕睢陽縣故城南周武

王封微子啟于宋以嗣殷後為宋都也一清按尚書序史記周本紀宋

微子世家皆云周公承成王命以封微子于宋注云武王誤也昔宋元君夢江使乘輜

車被繡衣而謁於元君元君感衛平之言而求之于泉



陽男子余且獻神龜於此矣秦始皇二十二年以爲碭郡漢高祖嘗以沛公爲碭郡長天下既定五年爲梁國全氏曰閻若璩云睢陽是梁都而班志置之第八其第一縣乃碭也按秦立碭郡則碭縣乃秦之治所及漢改治睢陽孟堅或仍秦文帝十二年封少子武爲梁王太地圖之舊未及改正后之愛子景帝寵弟也是以警衛貂侍飾同天子藏珍積寶多擬京師招延豪傑士咸歸之長卿之徒免官來遊廣睢陽城七十里大治宮觀臺苑屏榭勢竝皇居其所經構也役夫流唱必曰睢陽曲創傳由此始也城西門卽寇先鼓琴處也先好釣居睢水傍宋景公問道不告殺之後止此門鼓琴而去宋人家家奉事之南

門曰盧門也春秋華氏居盧門以南里叛杜預曰盧門宋城南門也司馬彪郡國志曰睢陽縣有盧門亭城內有高臺甚秀廣巍然介立超焉獨上謂之蠡臺亦曰升臺焉當昔全盛之時故與雲霞競遠矣續述征記曰迴道似蠡故謂之蠡臺非也余按闕子稱宋景公使工人爲弓九年乃成公曰何其遲也對曰臣不復見君矣臣之精盡於弓矣獻弓而歸三日而死景公登虎圈之臺援弓東面而射之矢踰于西霜之山朱氏箋曰藝文類集于彭城之東餘勢逸勁猶飲羽于石梁然則蠡臺卽是虎圈臺也蓋宋世牢虎所在矣晉太和中大司馬桓



溫入河命豫州刺史袁真開石門鮮卑堅戍此臺真頓  
甲堅城之下不果而還蠡臺如西又有一臺俗謂之女  
郎臺臺之西北城中有涼馬臺臺東有曲池池北列兩  
釣臺水周六七百步蠡臺直東又有一臺世謂之雀臺  
也城內東西道北有晉梁王妃王氏陵表並列二碑碑  
云妃諱粲字女儀東萊曲城人也齊北海府君之孫司  
空東武景侯之季女咸熙元年嬪于司馬氏泰始二年  
妃于國太康五年薨營陵于新蒙之

朱氏謀璋箋云  
此下疑有脫誤太

康九年立碑東卽梁王之吹臺也基陸階礎尙在今建  
追明寺故宮東卽安梁之舊地也廣周五六百步水列

### 水經注釋

卷二十四  
聯水

四 東潛趙氏定本

釣臺池東又有一臺世謂之清冷臺北城憑隅又結一  
池臺晉灼曰或說平臺在城中東北角亦或言兔園在  
平臺側如淳曰平臺離宮所在今城東二十里有臺寬  
廣而不甚極高俗謂之平臺余按漢書梁孝王傳稱王  
以功親爲大國築東苑方三百里廣睢陽城七十里大  
治宮室爲複道自宮連屬于平臺三十餘里複道自宮  
東出楊門之左楊門卽睢陽東門也連屬于平臺則近  
矣屬之城隅則不能是知平臺不在城中也梁王與鄒  
枚司馬相如之徒極游于其上故齊隨郡王山居序所  
謂西園多士平臺盛賓鄒馬之客咸在伐木之歌屢陳



是用追芳昔娛神遊千古故亦一時之盛事謝氏賦雪亦曰梁王不悅遊于兔園今也歌堂淪宇律管理音孤基塊立無復曩日之望矣城北五六里便得漢太尉橋元墓冢東有廟卽曹氏孟德親酌處操本微素嘗候于元元曰天下將亂能安之者其在君乎操感知已後經元墓祭云操以頑質見納君子士死知己懷此無忘又承約言氣沒之後路有經由不以斗酒隻雞過相沃醑車過三步痛勿怨雖臨時戲言非至親篤好胡肯爲此辭哉悽愴致祭以申宿懷冢列數碑一是漢朝羣儒英才哲士感橋氏德行之美乃共刊石立碑以示後世

水經注釋

卷二十四  
睢水

五 東潛趙氏定本

一碑是故吏司徒博陵崔烈廷尉河南吳整等以爲至德在己揚之由人苟不皦述夫何考焉乃共勒嘉石昭明芳烈一碑是隴西枹罕北次陌陽守長隲爲左尉漢陽獮道趙馮孝高以橋公嘗牧涼州感三綱之義慕將順之節以爲公之勲美宜宣舊邦乃樹碑頌以昭令德光和元年主記掾李友字仲僚作碑文碑陰有右鼎文建寧三年拜司空又有中鼎文建寧四年拜司徒又有左鼎文光和元年拜太尉鼎銘文曰故臣門人相與述公之行咨度體則文德銘于三鼎武功勤于征鉞書于碑陰以昭光懿又有鉞文稱是用鏤石假象作茲征鉞



軍鼓陳之于東階亦以昭公之文武之勲焉隸辨曰按後漢書橋

元傳光和六年卒蔡邕集太尉橋公碑有二俱云光和

七年薨水經注謂是碑作于光和元年恐誤也其載鼎

銘文云文德銘于三鼎云云乃是蔡邕橋公碑中語非

鼎銘文也邕有東中西鼎三銘見于集中又有黃戊銘

所云鉞文稱是用鏤石假象作茲征鉞亦邕銘中語而

謂碑文為李友所作豈後人搜采邕集誤入他人之文

耶廟南列二石柱柱東有二石羊羊北有二石虎廟前

東北有二石駝駝西北有二石馬皆高大亦不甚雕毀

惟廟頽構粗傳遺墉石鼓仍存鉞今不知所在睢水於

城之陽積而為逢洪陂陂之西南有陂又東合明水水

上承城南大池池周千步南流會睢謂之明水絕睢注

渙睢水又東南流歷于竹圃水次綠竹蔭渚菁菁實望

水經注釋

卷二十四 睢水

六 東潛趙氏定本

世人言梁王竹園也

太平御覽引水經注曰睢陽有隕石水一名漆溝左傳云隕石于宋

五隕星也故老云此水有時竭涸五石存焉故名隕石水墜處為津今本無之

熟縣故城北睢水又東蘄水出焉睢水又東逕栗縣故

城北地理志曰侯國也王莽曰成富睢水又東逕太邱

縣故城北地理志曰故敬邱也漢武帝元朔三年封魯

恭王子節侯劉政為侯國

朱氏謀璋箋曰漢書王子侯表魯共王子政封瑕邱地理

志瑕邱屬山陽郡而敬邱即太邱屬沛郡注似誤引也

一清按酈氏所言未可非也地理志山陽郡瑕邱下不

邱侯安知道元所見之本之不作敬邱乎漢明帝更從

今名列仙傳曰仙人文賓邑人賣鞞履為業以正月朔

日會故嫗于鄉亭西社教令服食不老即此處矣睢水



又東逕芒縣故城北漢高帝六年封郟拓爲侯國王莽之傳治也世祖改曰臨睢城西二里水南有豫州從事皇毓碑殞身州牧陰君之罪時年二十五臨睢長平與李君二千石承輪氏夏文則高其行而悼其殞州國咨嗟旌閭表墓昭序令德式示後人城內有臨睢長左馮翊王君碑善有治功累遷廣漢屬國都尉吏民思德縣人公府掾陳盛孫郎中倪定興劉伯鄜等共立石表政以刊遠績縣北與碭縣分水有碭山芒碭二縣之閒山澤深固多懷神智有仙者涓子主柱並隱碭山得道漢高祖隱之呂后望氣知之卽於是處也京房易侯曰何以知賢人隱師曰視四方常有太雲五色具而不雨其下賢人隱矣

水經注釋

卷二十四

睢水

七 東潛趙氏定本

又東過相縣南屈從城北東流當蕭縣南入于睢一清按睢水豈可云入睢乎漢志云睢水東至取慮入泗注云睢水東南流入泗謂之睢口經止蕭縣非也所謂得其一而亡其二矣獲水經云又東過蕭縣南睢水北流注之此篇經文入于睢之睢蓋別水支流所匯而非首受葑蕩渠之睢道元故以出入迴環更相通注調停之

相縣故宋地也秦始皇二十三年以爲泗水郡漢高帝四年改曰沛郡治此漢武帝元狩六年封南越桂林監居翁爲侯國曰相成也一清按史漢表並作湘成索隱曰在堵陽然則非沛郡之相王莽更名郡爲吾符縣曰吾符亭也睢水東逕石馬亭亭



西有漢故伏波將軍馬援墓睢水又東逕相縣故城南  
宋共公之所都也國府園中猶有伯姬黃堂基堂夜被  
火左右曰夫人少避伯姬曰婦人之義保傅不具夜不  
下堂遂遇火而死斯堂卽伯姬熾死處也城西有伯姬  
冢昔鄭渾爲沛郡太守於蕭相二縣興陂堰民賴其利  
刻石頌之號曰鄭陂睢水又左合白溝水水上承梧桐  
陂陂側有梧桐山陂水西南流逕相城東而南流注于  
睢睢盛則北流入于陂陂溢則西北注于睢出入迴環  
更相通注故經有入睢之文睢水又東逕彭城郡之靈  
壁東東南流漢書項羽敗漢王于靈壁東卽此處也又

水經注釋

卷二十四

睢水

八 東潛趙氏定本

云一清按下有脫文

東通穀泗服虔曰水名也在沛國相界未

詳睢水逕穀熟兩分睢水而爲蘄水故二水所在枝分  
通謂兼稱穀水之名蓋因地變然則穀水卽睢水也又  
云漢軍之敗也睢水爲之不流睢水又東南逕竹縣故

城南地理志曰王莽之篤亭也李奇曰今竹邑縣也睢

水又東與潁湖水合水上承留邱縣之潁陂南北百餘  
里東西四十里東至朝解亭西屆彭城留邱縣之故城  
東王莽更名之曰善邱矣其水自陂南系于睢水睢水  
又東南八丈故溝水注之水上承蘄水而北會睢水又  
東逕符離縣故城北漢武帝元光四年封路博德爲侯



國沈氏曰是元狩四年封又按漢表曰邳離屬朱虛此從史記年表王莽之符合也

水又東逕臨淮郡之取慮縣故城北昔汝南步遊張少

失其母及為縣令遇母于此乃使良馬踟躕輕軒罔進

顧訪病姬乃其母也誠願宿憑而冥感昭徵矣睢水又

東合烏慈水水出縣西南烏慈渚潭漲東北流與長直

故瀆合瀆舊上承蘄水北流八十五里注烏慈水烏慈

水又東逕取慮縣南又東屈逕其城東而北流注于睢

睢水又東逕睢陵縣故城北漢武帝元朔元年封江都

易王子劉楚為侯國一清按索隱曰表在淮陵王莽之睢陸也睢水

又東與僮水故瀆會舊上承僮縣西南僮陂東北流逕

水經注釋

卷二十四

睢水 瓠子水

九 東晉趙氏定本

僮縣故城北又東北逕睢陵縣下會睢水又東南流

逕下相縣故城南高祖十二年封莊侯冷耳為侯國應

劭曰下相水出沛國相縣故此加下也然則下相又是

睢水之別名也一清按漢志下相縣應劭曰相水出沛國故加下不名下相水道元誤矣東

南流入于泗謂之睢口經止蕭縣非也所謂得其一而

亡其二矣

瓠子河出東郡濮陽縣北河

縣北十里即瓠河口也尚書禹貢雷夏既澤雝沮會同

爾雅曰水自河出為雝許慎曰雝者河雝水也一清按道元敘

雷澤甚詳而濼沮甚略殆以不見班志故耶括地志曰雷夏澤在濮州雷澤縣郭外西北濼沮二水在澤西北



平地元和志云去縣十四里則明有其處矣曾彥和則引爾雅水自河出為雒許慎曰河雒水在宋雒之下流入于睢水睢水其沮水與晁以道亦引河出為雒濟出為濳求之于韻沮有濳音胡朏明非之以為汜雒皆出豫入徐於兗無涉又云濳沮皆濟水所出而河不與焉故鄭康成欲破周禮職方兗州其浸盧維為雷雒通典不從以濟陽盧縣自有盧水高密莒縣自有維水胡朏明又非之以周時徐并于青兗不得越青而東有維濟陽之盧水古不著名周禮多古字蠹似盧雒似維也且裴駟史記集解引康成說云雍水沮水相觸而合入此澤中閻百詩曰下一觸字鄭蓋以目驗知之惟雷澤之下流未知何往大抵不南注濟則北注濮濮亦終歸于濟也二水為禹貢著名之水不容不詮要在雷澤之傍者近是道元注甚鶻突且移而被之岐西之雍沮專門名家之學踈繆若此

暨漢元光三年河水南決漂害民

居武帝元封二年上使汲仁郭昌發卒數萬人塞瓠子

決河于是上自萬里沙還臨決河沈白馬玉璧令羣臣

水經注釋

卷二十四 瓠子水

十 東潛趙氏定本

將軍以下皆負薪填決河上悼功之不成乃作歌曰瓠

子決兮將奈何

一清按漢書此下有浩浩湯湯慮殫為河句方叶韻

殫為河兮地

不寧功無已時兮吾山平吾山平兮巨野溢魚沸鬱兮

柏冬日正道弛兮離常流蛟龍騁兮放遠遊歸舊川兮

神哉沛不封禪兮安知外皇謂河公公兮何不仁泛濫不

止兮愁吾人齧桑浮兮淮泗滿久不返兮水唯緩一日

河湯湯兮激潺湲北渡迴兮迅流難牽長菱兮湛美玉

一清按漢書此下有河公許兮薪不屬薪不屬兮衛人罪燒蕭條兮噫乎何以禦水屬字與玉字叶 隕竹

林兮礎石菑宜防塞兮萬福來於是卒塞瓠子口築宮

於其上名曰宣房宮故亦謂瓠子堰為宣房堰而水亦



以瓠子受名焉平帝已後未及修理河水東浸日月彌  
廣永平十二年顯宗詔樂浪人王景治渠築堤起自滎  
陽東至千乘一千餘里景乃防遏衝要疏決壅積瓠子  
之水絕而不通唯溝瀆存焉河水舊東流逕濮陽城東  
北故衛地帝顓頊之墟昔顓頊自窮桑徙此號曰商邱  
或謂之帝邱本陶唐氏火正闕伯之所居亦夏伯昆吾  
之都殷之相土又都之故春秋傳曰闕伯居商邱相土  
因之是也全氏曰帝邱豈商邱耶闕伯之商邱在睢陽非帝邱也王伯厚曰此蓋出于帝王世紀之繆一清按寰宇記云衛南縣東北七十里土山村即衛古帝邱衛成公遷于此酈氏以商邱當之真屬臆說  
成公自楚邱遷此秦始皇徙衛君角于野王置東郡治

水經注釋

卷二十四 瓠子水

十一 東潛趙氏定本

濮陽縣濮水逕其南故曰濮陽也沛公守濮陽環之以

水張晏曰依河水自固一清按漢書謂章邯守濮陽耳非沛公也所引張晏註亦抄變

其詞元文是張晏曰依河水以自環繞作壘也又東逕鹹城南春秋僖公十三

年夏會于鹹杜預曰東郡濮陽縣東南有鹹城者是也

瓠子故瀆又東逕桃城南春秋傳曰分曹地自洮盡曹

地也一清按傳文是分曹地今鄆城西南五十里有桃自洮以南東傳于濟

城或謂之洮也一清按方輿紀要桃城亦曰姚城因姚墟而名援神契舜生姚墟應劭曰姚墟

與雷澤相近世稱爲姚城是也瓠瀆又東南逕清邱北春秋宣公十二

年經書楚滅蕭晉人宋衛曹同盟于清邱京相璠曰在

今東郡濮陽縣東南三十里魏東部都尉治



東至濟陰句陽縣爲新溝

瓠河故瀆又東逕句陽縣之小成陽城北側瀆帝王世紀曰堯葬濟陰成陽西北四十里是爲穀林墨子以爲堯堂高三尺土階三等北教八狄道死葬蛩山之陰山海經曰堯葬狄山之陽一名崇山二說各殊以爲成陽近是堯冢也余按小成陽在成陽西北半里許實中俗嘑以爲囚堯城士安蓋以是爲堯冢也瓠子北有都關縣故城縣有羊里亭瓠河逕其南爲羊里水蓋資城地而變名由經有新溝之異稱矣黃初中賈逵爲豫州刺史與諸將征吳于洞浦有功魏封逵爲羊里亭侯邑四

水經注釋

卷二十四  
瓠子水

十一 東潛趙氏定本

百戶卽斯亭也俗名之羊子城非也蓋韻近字轉耳又東右會濮水枝津水上承濮渠東逕鉏邱城南京相璠曰今濮陽城西南十五里有沮邱城六國時沮楚同音以爲楚邱非也又東逕浚城南西北去濮陽三十五里城側有寒泉岡卽詩所謂爰有寒泉在浚之下世謂之高平渠非也京相璠曰濮水故道在濮陽南者也又東逕句陽縣西句瀆出焉濮水枝渠又東北逕句陽縣之小成陽城東故垂亭西而北入瓠河地理志曰濮水首受涕于封邱縣東北至都關入羊里水者也又按地理志山陽郡有都關縣今其城在廩邱城西考地志山陽



廩邱俱屬濟陰則都關無隸山陽理又按地理志邠都亦是山陽之屬縣矣而京杜考地驗城又並言在廩邱城南推此而論似地志之誤矣或亦疆理參差所未詳瓠瀆又東逕垂亭北春秋隱公八年宋公衛侯遇于犬邱經書垂也京相璠曰今濟陰句陽縣小成陽東五里有故垂亭者也

### 又東北過廩邱縣爲濮水

瓠河又左逕雷澤北其澤藪在大成陽縣故城西北一十餘里昔華胥履大蹟處也其陂東西二十餘里南北一十五里卽舜所漁也澤之東南卽成陽縣故史記曰

### 水經注釋

卷二十四  
瓠子水

十三  
東潛趙氏定本

武王封弟季載于成應劭曰其後乃遷於成之陽故曰成陽也地理志曰成陽有堯冢靈臺今成陽城西二里有堯陵陵南一里有堯母慶都陵於城爲西南稱曰靈臺鄉曰崇仁邑號修義皆立廟四周列水潭而不流水澤通泉泉不耗竭至豐魚筍不敢採捕前並列數碑楛柏數株檀馬成林二陵南北列馳道徑通皆以磚砌之尙修整堯陵東城西五十餘步中山夫人祠堯妃也石壁堦墀仍舊南西北三面長櫟聯蔭扶踈里餘中山夫人祠南有仲山甫冢冢西有石廟羊虎傾低破碎略盡於城爲西南在靈臺之東北按郭緣生述征記自漢迄



晉二千石及丞尉多刊石述敘堯卽位至永嘉三年二

千七百二十有一載記于堯妃祠見漢建寧四年五月

一清按四年當作五年成陽靈臺碑云建寧五年五月  
造後漢書靈帝紀以夏五月己巳始改建寧五年為熹  
平元年故建寧無五年也造碑時尚未知有改元事故  
碑題仍稱五年酈以紀元建寧無五年遂作四年豈得  
其實乎抑或後人  
妄更未可知也

成陽令管遵所立碑文云堯陵北仲

山甫墓南二冢間有伍員祠晉大安中立一碑是永興

中建今碑祠並無處所又言堯陵在城南九里中山夫

人祠在城南二里東南六里堯母慶都冢堯陵北二里

有仲山甫墓考地驗狀咸為踈僻蓋聞疑書疑耳一清按隸  
釋有濟陰太守孟郁修堯廟碑威宗永康元年又帝堯  
碑靈帝熹平四年又成陽靈臺碑建寧五年三碑俱云

水經注釋

卷二十四 瓠子水

十四 東潛趙氏定本

水經有今本祇有漢建寧四年五月成陽令管遵所立  
碑卽成陽靈臺碑也上二碑無之蓋缺失矣洪氏适曰  
成陽靈臺碑篆額靈帝建寧五年立與堯廟二碑在成  
陽皆有陰堯葬慶都于成陽名曰靈臺上立黃屋為奉  
祠之所漢綴其祀至亡新而蠲於是廷尉仲定奏請興  
治郡守審晃縣令管遵各遣大掾助成之案兩漢地志  
濟陰成陽有堯冢靈臺不明言靈臺為堯母冢也章帝  
紀元和二年使使者祠唐堯於成陽靈臺注引郭緣生  
述征記曰成陽有堯陵陵南一里有堯母慶都陵稱曰  
靈臺據此則與碑合靈臺有堯母冢明矣集古錄曰按  
皇覽云堯冢在濟陰城陽呂氏春秋云堯葬穀林皇甫  
謐云穀林卽成陽也然自史記地志及水經諸書皆無  
堯母葬處惟見于此碑蓋亦葬成陽也而諸書俗本多  
為城陽獨此碑為成陽當以碑為正金石錄跋尾云成  
陽屬今雷澤歐陽公以為自史記地志及水經諸書皆  
無堯母葬處余按班固西漢劉昭東漢書地理志皆曰  
成陽有堯冢靈臺而東漢志章帝元和二年東巡狩將  
至泰山道使使者奉一太牢祠堯于濟陰成陽靈臺  
與章帝紀所載正同帝紀章懷太子注引郭緣生述征  
記云成陽東南有堯母慶都墓上有祠廟堯母陵俗亦



名靈臺文母水經注今成陽城西二里有堯陵南一里有堯母慶都陵於城爲西南稱曰靈臺蓋兩漢史所載似以靈臺爲堯冢惟此碑與述征記水經乃直指爲堯母冢爾然水經云在成陽西南而述征記云在東南余爲淄州同官李蕘雷澤人云冢正在城西南蓋述征記誤路史辨帝堯冢曰堯冢在濟陰成陽堯母靈臺在南歐陽文忠公集古錄言靈臺碑以爲史記地志水經諸書皆無堯母葬處粵稽地志及范氏志水經注言堯陵慶都陵明白若此惡得云無耶然述征記云在成陽東南今之所識乃在城陽西南四十里穀林則古今疆場相出入有不同者郭氏所記乃小成陽小成陽在成陽西北五十里隸于河南有山曰成陽穀林在其下小成陽以山得名乃堯葬母所在有堯冢故名文忠跋謂俗本多作城陽獨此碑爲成陽夫成陽與城陽正自二所成陽隸濟陰乃古之成昔成王封母弟于成後遷于成之陽遂曰成陽而城陽乃漢齊悼惠王之子章所食之國今之兗州是矣雷澤西南十許里有小山孤立峻上不得混爲一也

亭亭傑峙謂之歷山山北有小阜南屬迤澤之東北有

### 水經注釋

卷二十四  
瓠子水

五  
東潛趙氏定本

陶墟緣生言舜耕陶所在墟阜聯屬濱帶瓠河也鄭元曰歷山在河東今有舜井皇甫謐或言今濟陰歷山是也與雷澤相比余謂鄭元之言爲然故揚雄河東賦曰登歷觀而遙望兮聊浮游于河之巖今雷首山西枕大河校之圖緯於事爲允士安又云定陶西南陶邱舜所陶也不言在此緣生爲失瓠河之北卽廩邱縣也王隱晉書地道記曰廩邱者春秋之所謂齊邑矣實表東海者也竹書紀年晉烈公十一年田悼子卒田布殺其大夫公孫孫公孫會以廩邱叛于趙田布圍廩邱翟角趙孔肩韓師救廩邱及田布戰于龍澤田布敗遁是也瓠



河與濮水俱東流經所謂過廩邱為濮水者也縣南瓠

北有羊角城春秋傳曰烏餘取衛羊角遂襲我高魚天

大雨自竇入介其庫登其城尅而取之者也京相璠曰

衛邑也今東郡廩邱縣南有羊角城高魚魯邑也今廩

邱東北有故高魚城俗謂之交魚城謂羊角為角逐城

皆非也瓠河又逕陽晉城南史記蘇秦說齊曰過衛陽

晉之道

全氏曰按胡三省曰所謂衛陽晉者以魏境有陽晉故稱衛陽晉以別之史記秦取魏陽晉是

也徑于亢父之險者也今陽晉城在廩邱城東南一十

餘里與都關為左右者也張儀曰秦下甲攻衛陽晉大

關天下之匈徐廣史記音義云關一作開

一清按此十字注中注

### 水經注釋

卷二十四 瓠子水

十六 東潛趙氏定本

東之亢父則其道矣瓠河之北又有邾都城春秋隱公

五年邾侵衛京相璠曰東郡廩邱縣南三十里有邾都

故城地理志曰山陽鄉也

一清按鄉當作縣

褚先生曰漢封金

安上為侯國王莽更名之曰城穀者也

按褚表金安上封都成侯漢表

同索隱曰志屬潁川而地理志無之然金日磾封秬侯

秬屬濟陰安上之封必與日磾附近山陽濟陰又地界

也瓠河又東逕黎縣故城南王莽改曰黎治矣孟康

一清按師

曰今黎陽也薛瓚言按黎陽在魏郡非

古註引瓚曰黎陽在魏郡非黎縣也道元蓋抄變其詞世謂黎侯城昔黎侯陽寓

于衛

全氏曰據善長說陽似黎侯名誤矣

詩所謂胡為乎泥中毛云泥中

邑名疑此城也土地汙下城居小阜魏濮陽郡治也瓠



河又東逕柘縣故城南地理志曰濟陰之屬縣也褚先生曰漢武帝封金日磾爲侯國王莽之萬歲矣世猶謂之爲萬歲亭也瓠河又東逕鄆城南春秋左傳成公十六年公自沙隨還待于鄆京相璠曰公羊作運字今東郡廩邱縣東八十里有故運城卽此城也

又北過東郡范縣東北爲濟渠與將渠合

瓠河自運城東北逕范縣與濟濮枝渠合故渠上承濟瀆於乘氏縣北逕范縣左納瓠瀆故經有濟渠之稱又北與將渠受河於范縣西北東南逕秦亭南杜預釋地曰東平范縣西北有秦亭也又東南逕范縣故城南王

水經注釋

卷二十四  
瓠子水

十七  
東潛趙氏定本

莽更名建睦也漢興平中靳允爲范令曹太祖東征陶謙於徐州張邈迎呂布郡縣響應程昱說允曰君必固范我守東阿田單之功可立即斯邑也將渠又東會濟渠自下通謂之將渠北逕范城東俗又謂之趙溝非也又東北過東阿縣東

瓠河故瀆又東北左合將渠故瀆上承將渠于范縣東北逕范縣北又東北逕東阿城南而東入瓠河故瀆又北逕東阿縣故城東春秋經書冬及齊侯盟于柯左傳曰冬盟于柯始及齊平杜預曰東阿卽柯邑也按國語曹沫挾匕首劫齊桓公返遂邑于此矣

全氏曰事見公羊非國語



又東北過臨邑縣西又東北過荏平縣東爲鄧里渠

自宣防已下將渠已上無復有水將渠下水首受河自

北爲鄧里渠

又東北過祝阿縣爲濟渠

河水自四瀆口出會濟水二瀆合而東注于祝阿也

又東北至梁鄒縣西分爲二

脈水尋梁鄒濟無二流蓋經之誤

其東北者爲濟河其東者爲時水又東北至濟西濟河東

北入于海時水東至臨淄縣西屈南過太山華縣東又南

至費縣東入于沂

水經注釋

卷二十四 瓠子水

十六 東潛趙氏定本

時卽彫水也音而一清按二字注中注春秋襄公三年齊晉盟于

彫者也京相璠曰今臨淄唯有澧水西北入沛卽地理

志之如水矣彫如聲相似然則澧水卽彫水也蓋以澧

與時合得通稱矣時水自西安城西南分爲二水枝津

別出西流德會水注之水出昌國縣黃山西北流逕昌

國縣故城南昔樂毅攻齊有功燕昭王以是縣封之爲

昌國君德會水又西北五里泉水注之水出縣南黃阜

北流逕城西北入德會又西北世謂之滄浪溝又北流

注時水地理志曰德會水出昌國西北至西安入如是

也時水又西逕東高宛城中而西注也俗人過令側城



南注又屈逕其城南史記漢文帝十五年分齊為膠西

王國都高宛徐廣音義曰樂安有高宛城故俗謂之東

高宛也

一清按道元此注是據史記漢興以來諸侯年表而文帝紀及漢志皆云十六年又史記世家

膠西王卬齊悼惠王子以昌平侯文帝十六年為膠西王十一年與吳楚反漢擊破殺卬地入于漢為膠西郡

又五宗世家膠西王端用皇世子為膠西王立四十七年卒國除為郡而地理志云宣帝本始元年更為高密

國首高密縣豈膠西國廢復置高密國而改治者與巨洋水注又云高密郡治桑犢亭世謂之故郡城地志桑

犢北海之屬縣也後漢郡縣皆廢故續志無之其水又北注故瀆又西蓋野溝

水注之源導延鄉城東北平地出泉西北逕延鄉城北

地理志曰千乘有延鄉縣世人謂故城為從城延從字

相似讀隨字改所未詳也西北流世謂之蓋野溝又西

### 水經注釋

卷二十四

瓠子水 汶水

九 東潛趙氏定本

北流逕高宛縣北注時水時水又西逕西高宛縣故城

南漢高帝六年封丙倩為侯國王莽之常鄉也其水側

城西注京相璠曰今樂安博昌縣南界有時水西通濟

其源上出盤陽北至高宛下有死時中無水杜預亦云

時水於樂安枝流旱則竭涸為春秋之乾時也左傳莊

公九年齊魯戰地魯師敗處也時水西北至梁鄒城入

于沛

全氏曰時水二支一至梁鄒入濟者其流甚短一東行至鉅定入馬車瀆者其流甚長別見淄水注

此道元所以補經也非沛入時蓋時來注沛若沛分東流明不得

以時為名尋時沛更無別流南延華費之所斯為繆矣

汶水出太山萊蕪縣原山西南過羸縣南



萊蕪縣在齊城西南原山又在縣西南六十許里地理志汶水與淄水俱出原山西南入泲故不得過其縣南

也

一清按經自謂汶水過羸縣南耳不云過萊蕪縣南也

酈之詮詰殆自相伐從征記曰汶

水出縣西南流又言自入萊蕪谷夾路連山百數里水隍多行石澗中出藥草饒松柏林藿綿濛崖壁相望或傾岑阻徑或迴巖絕谷清風鳴條山壑俱響凌高降深兼惴慄之懼危蹊絕徑過懸度之艱未出谷十餘里有別谷在孤山谷有清泉泉上數丈有石穴二口容人行入穴丈餘高九尺許廣四五丈言是昔人居山之處薪爨烟墨猶存谷中林木緻密行人尠有能至矣又有少

水經注釋

卷二十四

汶水

二十 東潛趙氏定本

許山田引灌之踪尙存出谷有平邱面山傍水土人悉以種麥云此邱不宜殖稷黍而宜麥齊人相承以殖之意謂麥邱所栖愚公谷也何其深沉幽翳可以託業怡生如此也余時逕此爲之踟躕爲之屢眷矣余按麥邱愚公在齊不在魯川谷猶傳其名蓋誌者之謬耳汶水又西南逕羸縣故城南春秋左傳桓公三年公會齊侯于羸成婚于齊也

又東南過奉高縣北

奉高縣漢武帝元封元年立以奉太山之祀太山郡治也縣北有吳季札子墓在汶水南曲中季札之聘上國



也喪子於羸博之間卽此處也從征記曰羸縣西六十里有季札兒冢冢圓其高可隱也前有石銘一所漢末奉高令所立無所述敘標誌而已自昔恒蠲民戶灑掃之今不能然碑石糜碎靡有遺矣唯故趺存焉

### 屈從縣西南流

汶出牟縣故城西南阜下俗謂之胡盧堆淮南子曰汶

出弗其高誘曰山名也或斯阜也

一清按高誘曰弗其山名在朱虛縣東此

青州之東汶其水東北流入濰見下二十六卷道元以牟縣胡盧堆當之誤矣牟縣故城在東

北古牟國也春秋時牟人朝魯故應劭曰魯附庸也俗

謂是水爲牟汶也又西南逕奉高縣故城西西南流注

### 水經注釋

卷二十四

汶水

王東潛趙氏定本

于汶汶水又南右合北汶水水出分水谿源與中川分

水東南流逕太山東合天門下谿水水出太山天門下

谷東流古者帝王升封咸憩此水水上往往有石竅存

焉蓋古設舍所跨處也馬第伯書云光武封太山第伯

從登山去平地二十里南向極望無不覩其爲高也如

視浮雲其峻也石壁宵窳仰視巖石松樹鬱鬱蒼蒼如

在雲中俯視谿谷碌碌不可見丈尺直上七里天門仰

視天門如從穴中視天矣應劭漢官儀云太山東南山

頂名曰日觀者雞一鳴時見日始欲出長三丈許故以

名焉其水自谿而東濬波注壑東南流逕龜陰之田龜



山在博縣北一十五里昔夫子傷政道之陵遲故望山而懷操故琴操有龜山操焉山北卽龜陰之田也春秋定公十年齊人來歸龜陰之田是也又合環水水出太山南谿南流歷中階兩廟閒從征記曰太山有下中上三廟牆闕嚴整廟中柏樹夾兩階大二十餘圍蓋漢武所植也赤眉嘗斫一樹見血而止今斧創猶存門閣三重樓榭四所三層壇一所高丈餘廣八尺樹前有大井極香冷異于凡水不知何代所掘不常浚渫而水旱不減廟中有漢時故樂器及神車木偶皆靡密巧麗又有石勒建武十三年一清按建武是石虎年號注誤證永貴侯張余上金

水經注釋

卷二十四 汶水

三 東潛趙氏定本

馬一匹高二尺餘形制甚精中廟去下廟五里屋宇又崇麗于下廟廟東西夾澗上廟在山頂卽封禪處也其

水又屈而東流入于汶水

一清按四字羨文

又東南流逕南

清

按南字羨文或漢字之誤蓋周明堂與漢明堂爲二矣

明堂下漢武帝元封元年

封太山降坐明堂於山之東北陞武帝以古處嶮狹而不顯也欲治明堂于奉高傍而未曉其制濟南人公玉帶上黃帝時明堂圖圖中有一殿四面無壁以茅蓋之通水園宮垣爲複道上有樓從西南入名曰崑崙天子從之入以拜祀上帝焉于是上令奉高作明堂于汶上如帶圖也古引水爲辟雍處基瀆存焉世謂此水爲石



汶山海經曰環水出太山東流注于江一清按郭璞曰江一作海此江

字固誤海字亦非當作汶即此水也環水又左入于汶水汶水又西

南流逕徠山西山多松柏詩所謂徂徠之松也廣雅

曰道梓松也抱朴子稱玉策記曰千歲之松中有物或

如青牛或如青犬或如人皆壽萬歲又稱天陵有偃蓋

之松也所謂樓松也魯連子曰松樅高十仞而無枝非

憂正室之無柱也爾雅曰松葉柏身曰樅鄒山記曰徂

徠山在梁甫奉高博三縣界猶有美松亦曰九徠之山

也赤眉渠帥樊崇所堡也故崇自號九徠三老矣山東

有巢父廟山高十里山下有陂水方百許步三道流注

水經注釋

卷二十四 汶水

三 東潛趙氏定本

一水東北沿溪而下屈逕縣南西北流入于汶一水北

流歷澗西流入于汶一水南流逕陽關亭南春秋襄公

十七年逆賊紇自陽關者也又西流入于汶水也

過博縣西北

汶水南逕博縣故城東春秋哀公十一年會吳伐博者

也一清按左氏傳云為郊戰故公會吳子伐齊五月取博杜預曰博齊邑注所引未備灌嬰破田

橫於城下屈從其城南西流不在西北也汶水又西南

逕龍鄉故城南春秋成公二年齊侯圍龍龍囚頃公嬖

人盧蒲就魁殺而膊諸城上齊侯親鼓取龍者也漢高

帝八年封謁者陳署為侯國汶水又西南逕亭亭山東



黃帝所禪也山有神廟水上有石門舊分水下漑處也

汶水又西南逕陽關故城西本鉅平縣之陽關亭矣春

秋襄公十七年逆臧紇自陽關者矣一清按十五字陽已見上此複出

虎據之以叛伐之虎焚萊門而奔齊者也汶水又南左

會淄水水出太山梁父縣東西南流逕菟裘城北全氏曰此

又一淄水杜預所云入汶水者也鄭樵誤以為萊蕪之淄王士禎不知而妄非之春秋隱公十

一年營之公謂羽父曰吾將歸老焉故郡國志曰梁父

有菟裘聚淄水又逕梁父縣故城南縣北有梁父山開

山圖曰太山在左亢父在右亢父知生梁甫主死王者

封太山禪梁甫故縣取名焉淄水又西南逕柴縣故城

### 水經注釋

卷二十四

汶水

東潛趙氏定本

北地理志曰太山之屬縣也世謂之柴汶矣淄水又逕

邾縣北漢高帝六年封董濞為侯國一清按史表作成侯索隱曰屬涿郡

地理志涿郡成縣侯國春秋齊師圍邾邾人伐齊飲馬于斯水也

昔孔子行於邾之野遇榮啟期于是衣鹿裘被髮琴歌

三樂之權夫子善其能寬矣淄水又西逕陽關城南西

流注于汶水汶水又南逕鉅平縣故城東而西南流城

東有魯道詩所謂魯道有蕩齊子由歸者也今汶上夾

水有文姜臺汶水又西南流詩云汶水滔滔矣淮南子

曰貉渡汶則死天地之性倚伏難尋固不可以情理窮

也全氏曰按王伯厚云列子釋文史記汶與岷同謂汶汶江也今江邊人云狐不渡江然則非東州之汶



水又西南逕魯國汶陽縣北王莽之汶亭也縣北有曲水亭春秋桓公十二年經書公會杞侯莒子盟于曲池左傳云平杞莒也故杜預曰魯國汶陽縣北有曲水亭漢章帝元和二年東巡太山立行宮于汶陽執金吾耿恭屯城門於汶上基塹存焉世謂之闕陵城也汶水又

西逕汶陽縣故城北西注

禹貢錐指元和志乾封縣界五汶源別而流同五汶者曰

北汶嬴汶柴汶牟汶其一則經流也按酈注無嬴汶嬴汶在今萊蕪縣南三十里源出宮山之陰流合牟汶宮山者新甫之別名也山在新泰縣西北泮水之源出泰山分水嶺即北汶州志謂之塹汶在今泰安州南五汶之外有小汶在州東南七十里源出宮山流逕徂徠山南又西入汶水所謂大汶口也嬴汶合牟汶故酈注不言五汶以小易嬴斯為當矣又有水出萊蕪縣寨子村流合牟汶者近志指為活汶據漢志瑯琊靈門縣有高泉

水經注釋

卷二十四

東潛趙氏定本

山活水所出東北入濰說文水出靈門山世謂之活汶在今莒州界與萊蕪無涉志妄言耳東汶出朱虛縣小泰山北流至淳于縣入濰在今臨朐安邱縣界淮南子曰汶出弗其流入濟高誘曰弗其山名在朱虛縣東是即入濰之東汶言入濟者淮南之誤也一清按五汶之名始于郭緣生述征記曰泰山郡水皆名曰汶汶凡有五北汶嬴汶柴汶活汶皆源別而流同活汶遠在瑯琊闕入泰山郡域近志因之而誤東樵正之是矣乃欲以小汶易嬴汶則非考泰安圖志嬴汶與牟汶合自萊蕪縣東北流逕縣西南至泰安縣東北之故縣鎮與出仙臺嶺水會名曰大汶亦曰塹汶東樵以北汶為塹汶亦非又西南流與石汶合石汶者環水也又西南流與北汶合北汶者泮水也濟水篇注云半水出分水谿者是也四汶共流而西南小汶水會之小汶出新泰縣東北龍堂山西流百二十里入泰安縣東南境至縣西南逕徂徠山南故柴城北而合于大汶尋其川脈即古柴汶之道柴汶木出梁父縣東西流逕菟裘城又西流逕梁父縣故城又西流逕柴縣故城又西流逕郟縣北又西流逕陽關城南而西合于汶水今梁父縣東之上源已絕而下流僅至古柴城即入于大汶不能至陽關城陽



關城更在古柴城之西然小汶之行甚遠其吐納衆水亦甚夥倘古有是水道元無容不詳記之此必溝通之以合于柴汶其後水流既盛而柴汶遂爲所奪大汶小汶之名皆起于後世彼以合羸牟北石四汶故名之曰大此則專合柴汶故名曰小是五汶者又并而爲二以出于大汶口西歷桐城壩又西北歷戴村壩入于大清河卽古濟水之故道也蓋羸牟二汶由東達西橫水也北石二汶自南注北直水也柴汶出東北以注西南亦橫水也五汶之名不當去羸以郭記李志皆先記之矣道元不別出羸汶者以羸爲汶水發源經流也郭記書中屢引之而此獨不從其說未知何故豈亦以其誤數語汶爲不足據耶予有五汶考五篇辭多不載

又西南過蛇邱縣南

汶水又西洸水出焉又西逕蛇邱縣南縣治鑄鄉故城

春秋左傳宣叔娶于鑄是也杜預曰濟北蛇邱縣所治

鑄鄉城者也

水經注釋

卷二十四

汶水

東潛趙氏定本

又西南過岡縣北

地理志岡故闡也王莽更之曰柔也一清按地理志本作剛縣故新莽以

柔易稱應劭曰春秋經書齊人取謹及闡是也杜預春秋

釋地曰闡在剛縣北岡城東有一小亭今岡縣治俗人

又謂之闡亭京相璠曰岡縣西四十里有闡亭未知孰

是汶水又西蛇水注之水出縣東北泰山西南流逕汶

陽之田齊所侵也自汶之北平暢極日僖公以賜季友

蛇水又西南逕鑄城西左傳所謂蛇淵圍也故京相璠

曰今濟北有蛇邱城城下有水魯囿也俗謂之濁須水

非矣蛇水又西南逕夏暉城南經書公會齊侯于下謹



是也今俗謂之夏暉城蓋春秋左傳桓公三年公子翬如齊齊侯送姜氏于下讜非禮也是也世有夏暉之名矣蛇水又西南入汶汶水又西溝水注之水出東北馬山西南流逕棘亭南春秋成公三年經書秋叔孫僑如帥師圍棘左傳曰取汶陽之田棘不服圍之南去汶水八十里又西南逕遂城東地理志曰蛇邱遂鄉故遂國也春秋莊公十三年齊滅遂而戍之者也京相璠曰遂在蛇邱東北十里杜預亦以爲然然縣東北無城以擬之今城在蛇邱西北蓋杜預傳疑之非也又西逕下讜城西而入汶水汶水又西逕春亭北考古無春名唯平

水經注釋

卷二十四  
汶水

三毛 東潛趙氏定本

陸縣有崇陽亭然是亭東去岡城四十里推璠所注則符並所未詳也一清按推璠所注謂京相璠春秋土地名也是注既不引其書何爲濫及乎

又西南過東平章縣南

地理志曰東平國故梁也景帝中六年別爲濟東國武帝元鼎元年爲大河郡宣帝甘露二年爲東平國王莽之有鹽也章縣按世本任姓之國也春秋齊人降章者也故城在無鹽東北五十里汶水又西南有泌水注之水出肥成縣東北白原西南流逕肥成縣故城南樂正子春謂其弟子曰子適齊過肥肥有君子焉左逕句窳亭北章帝元和二年鳳凰集肥城句窳亭復其租而巡



泰山卽是亭也。泌水又西南逕富城縣故城西王莽之成富也。其水又西南流注于汶汶水。又西南逕桃鄉縣故城西王莽之鄆亭也。世以此爲鄆城，非蓋因亡新之故目耳。

又西南過無鹽縣南，又西南過壽張縣北，又西南至安民亭入于濟。

汶水自桃鄉四分，當其派別之處，謂之四汶口。其左二

水雙流西南至無鹽縣之郕鄉城南。魯叔孫昭伯之故

邑也，禍及鬪雞矣。

全氏曰：郕昭伯以鬪雞啟禍，昭伯春亡後，郕始歸叔孫昭子善長，誤矣。

秋左傳定公十二年，叔孫氏墮，郕今其城無南面汶水。

### 水經注釋

卷二十四 汶水

東潛趙氏定本

又西南逕東平陸縣故城北，應劭曰：古厥國也。今有厥

亭汶水，又西逕危山南，世謂之龍山也。漢書五行志曰：

哀帝時無鹽危山土自起，覆草如馳道狀。又瓠山石轉

立，晉灼曰：漢注作報山。

全氏曰：八字注中注一清，按漢志北海郡瓠縣師古曰：瓠卽報

字而宣元六王傳瓠山晉灼曰：漢注作報山。師古曰：報山古作瓠，字爲其形似瓠耳。又通而爲狐，地理志河東

狐譟之，狐史漢表俱作瓠。徐廣曰：音胡，索隱曰：卽狐字，可證也。山脇石一枚，轉側起立

高九尺六寸，傍行一丈，廣四尺。東平王雲及后謁曰：漢

世石立，宣帝起之表也。自之石所祭，治石象報山立石

束倍草并祠之。建平三年，息夫躬告之王，自殺。后謁棄

市國除。

何氏曰：事在宣元六王傳，非五行志也。善長誤矣。

汶水又西合爲一水。



西南入茂都澱澱陂水之異名也澱水西南出謂之巨野溝又西南逕致密城南郡國志曰須昌縣有致密城古中都也卽夫子所宰之邑矣制養生送死之節長幼男女之禮路不拾遺器不彫僞矣巨野溝又西南入桓公河北水西出澱謂之巨良水西南逕致密城北西南流注洪瀆次一汶西逕郈亭北又西至壽張故城東逕爲澤渚初平三年曹公擊黃巾於壽張東鮑信戰死於此其右一汶西流逕無鹽縣之故城南舊宿國也齊宣后之故邑所謂無鹽醜女也漢武帝元朔四年封城陽共王子劉慶爲東平侯卽此邑也王莽更名之曰有鹽

水經注釋

卷二十四  
汶水

五 東潛趙氏定本

亭汶水又西逕郈鄉城南地理志所謂無鹽有郈鄉者也汶水西南流逕壽張縣故城北春秋之良縣也縣有壽聚漢曰壽良應劭曰世祖叔父名良故光武改曰壽張也建武十五年世祖封樊宏爲侯國汶水又西南長直溝水注之水出須昌城東北穀陽山南逕須昌城東又南漆溝水注焉水出無鹽城東北五里阜山下西逕無鹽縣故城北水側有東平憲王蒼冢碑闕存焉元和二年章帝幸東平祀以太牢親拜祠坐賜御劔于陵前其水又西流注長直溝溝水奇分爲二一水西逕須昌城南入沛一水南流注于汶汶水又西流入沛故淮南



子曰汶出弗其西流合洙高誘云弗其山名在朱虛縣  
東余按誘說是乃東汶非經所謂入洙者也蓋其誤證  
耳

水經注釋

卷二十四  
汶水

三十一  
東潛趙氏定本